

Kev taw rau cov neeg ua hauj lwm txog lub xeev Minnesota Txoj Kev Cai Nyiaj Nyiaj Nqi Tes tshiab

Minnesota Cov Nom Tswv tau tsa thiab tus thawj tswj tau pom zoo kos npe rau tsab cai tshiab txog Minnesota Txoj Kev Cai Nyiaj Nyiaj Nqi Tes. Txoj kev cai tshiab txhim kho tsab cai qub txog kev ua dej num thiab muaj cov cai tshiab txog nqi tes tshiab thiab cov sij hawm, kev tiv thaiv thiab kev nplua. Txoj kev taw no qhia txog cov nqe lus ntawm txoj kev cai tshiab uas muaj cov xov tseem ceeb thiab kev tiv thaiv rau cov neeg ua hauj lwm.

Txhua nqe lus ntawm cov kev cai tshiab pib siv tau thaum lub **July 1, 2019**, tsuas yog zam rau cov nqe lus ntawm tsab cai tshiab uas txhim kho Minnesota Statutes § 609.52 (kev yuam cai nyiaj nqi tes thiab kev nplua). Cov nqe lus tshiab ntawm tsab cai txog kev yuam cai nyiaj nqi tes thiab kev nplua yuav pib siv tau thaum lub **Aug. 1, 2019**.

Kev qhia tag nrho txog tsab cai tshiab txog Txoj Cai Nyiaj Nyiaj Nqi Tes nyob hauv computer ntawm www.dli.mn.gov/sites/default/files/pdf/wage_theft_law_summary.pdf.

Cov lus nug thiab cov lus teb txog Txoj Cai Nyiaj Nyiaj Nqi Tes nyob hauv computer ntawm www.dli.mn.gov/business/employment-practices/wage-theft-qa.

Tag nrho cov lus ntawm txoj kev cai tshiab nyob hauv computer ntawm www.revisor.mn.gov/laws/2019/1/Session+Law/Chapter/7/.

Cov kev thiv thaiv tshiab rau cov neeg ua hauj lwm

Muaj cov xov tseem ceeb ntxiv txog cov tuam txhab ua hauj lwm yuav tsum muaj rau cov neeg ua hauj lwm thaum lawv pib txoj hauj lwm (txhim kho rau Minn. Stat. § 181.032)

Cov tuam txhab ua hauj lwm raug tswj los ntawm Minnesota txoj kev cai kom sau ntawv ceeb toom rau cov neeg ua hauj lwm txog lawv txoj dej num thiab cov lus cog tseg kev ua hauj lwm, nrog rau nqi tes, cov sij hawm thiab cov kev pab muaj txiaj ntsim.

Txoj Cai Nyiaj Nyiaj Nqi Tes tshiab hais kom txhua lub tuam txhab ua hauj lwm yuav tsum sau ntawv mus ceeb toom rau cov neeg ua hauj lwm thaum pib ua txoj hauj lwm. Daim ntawv ceeb toom yuav tsum muaj cov lus tshwj xeeb txog tus neeg ua hauj lwm txoj dej num thiab cov lus cog tseg kev ua hauj lwm (New).

Hauv qab no yog cov xov tshwj xeeb uas cov tuam txhab ua hauj lwm yuav tsum sau ntawv ceeb toom mus rau cov neeg ua hauj lwm thaum pib ua hauj lwm. ^{1, 2, 3}

¹Cov neeg txawv teb chaws tuaj ua hauj lwm kuj muaj cov kev tiv thaiv ntawm tsab cai Minn. Stat. §§ 181.85-181.91.

²Cov neeg ua hauj lwm ntawm cov tuam txhab ntim nqaij kuj muaj cai tau txais ntawv ceeb toom ntawm tsab cai Minn. Stat. § 179.86.

³Cov neeg ua hauj lwm ru cov tuam txhab ua hauj lwm us muaj 10 los yog ntau tus neeg ua hauj lwm dua, uas tsis yog mus teb los yog cov neeg ua hauj lwm ib ntus xwb, yuav tsum tau txais ntawv sib cog lus ntawm tsab cai Minn. Stat. § 181.55-181.57.

- Tus neeg ua hauj lwm kev ua dej num thiab saib tus neeg ua hauj lwm txwv txog kev tau nyiaj them nqi tes tsawg kawg, cov sij hawm tshaj thiab lwm cov nqi tes tau teev tseg thiab cov sij hawm cov kev cai, thiab saib yog vim li cas **(New)**.
- Pes tsawg hnuv mam los them tus neeg ua hauj lwm thiab lub sij hawm teev yuav tseg los them nqi tes **(New)**.
- Hnuv teem uas tus neeg ua hauj lwm yuav tau txais thawj qhov nyiaj them nqi tes **(New)**.
- Tus neeg ua hauj lwm cov nqi tes los yog nqi tes yog pes tsawg thiab vim li cas, nrog rau saib tus neeg ua hauj lwm txais nqi tes los ntawm sij hawm, ntu dej num, hnuv, lim tiam, nyiaj hli, raws qhov ua tau, nyiaj paj tshab los yog lwm txoj kev them thiab lwm cov ntawv tshwj xeeb txog lwm cov nqi tes **(New)**.
- Nyiaj siv, yog muaj, kuj los hais tau rau cov kev noj mov uas tau kev tso cai thiab chaw so **(New)**.
- Nqe lus txog kev them nqi tes thaum mus ua si, cov sij hawm thaum muaj mob los yog lwm txoj kev them nqi tes thaum mus so (PTO), saib yuav ua li cas thiaj li tau cov sij hawm them thaum mus so thiab cov lus yuav siv li cas **(New)**.
- Teev cov kev rho los ntawm tus neeg ua hauj lwm cov nqi tes **(New)**.
- Lub tuam txhab ua hauj lwm lub npe hauv ntaub ntawv thiab lub npe ua hauj lwm, yog hais tias sib txawv **(New)**.
- Qhov chaw nyob ntawm lub tuam txhab ua hauj lwm lub hoob kas thiab chaw xa ntawv, yog hais tias sib txawv **(New)**.
- Tuam txhab ua hauj lwm tus xov tooj **(New)**.

Cov tuam txhab ua hauj lwm yuav tsum ceev daim ntawv ceeb toom tseg uas muaj kev kos npe los ntawm txhua tus neeg ua hauj lwm **(New)**. Txhua lub tuam txhab ua dej num yuav tsum sau ntawv ceeb toom yam siv ntawv Askiv. Daim ntawv ceeb toom yuav tsum muaj lus teev, siv ntau hom lus, thiab qhia rau cov neeg ua hauj lwm hais tias lawv muaj cai thov kom tau txais daim ntawv ceeb toom rau lawv yam siv lwm hom lus **(New)**. Lub tuam txhab ua hauj lwm yuav tsum muaj ntawv ceeb toom yam siv lwm hom lus yog hais tias tus neeg ua hauj lwm thov tuaj lawm **(New)**. Cov tuam txhab ua hauj lwm kuj yuav tau sau ntawv mus rau cov neeg ua hauj lwm yog muaj dab tsi hloov los ntawm cov xov tseem ceeb ua ntej hnuv uas cov kev hloov yuav koj los siv **(New)**.

Lub tuam txhab Department of Labor thiab Industry (DLI) tau los tsim daim ntawv piv txwv los ceeb toom rau tus neeg ua hauj lwm nyob hauv computer ntawm www.dli.mn.gov/sites/default/files/doc/employee_notice_form.docx. Cov tuam txhab ua hauj lwm siv daim ntawv piv txwv no los yog lawv tsim lawv ib daim.

Cov xov tseem ceeb ntxiv uas cov tuam txhab ua hauj lwm yuav tsum muab rau cov neeg ua hauj lwm txog cov ntawv teev kev them nqi tes (kev txhim kho tsab cai Minn. Stat. § 181.032)

Cov ntawv teev txog them nqi tes (los yog cov tw tshev) yog cov ntawv teev txog kev them nqi tes tseem ceeb rau cov tuam txhab ua hauj lwm thiab cov neeg ua hauj lwm los ceev txog cov sij hawm them nqi te, cov sij hawm ua hauj lwm, thiab cov kev rho thiab cov txiaj ntsim tau los ntawm tus neeg ua hauj lwm. Txoj cai tam sim hais kom muab cov ntawv teev txog them nqi tes rau cov neeg ua hauj lwm yam xa ntawv los yog xa hauv computer thaum txog sij hawm them nqi tes thiab cov xov qhia kom meej nyob hauv daim ntawv teev them nqi tes. (Cov neeg ua hauj lwm kuj nug tau kom xa daim ntawv teev them nqi tes yam sau ntawv tuaj es tsis txhob xa hauv computer. Yog hais tias xa daim ntawv teev them nqi tes yam xa hauv computer, lub tuam txhab ua hauj lwm yuav tsum tso cai rau tus neeg ua hauj lwm mus siv lub tuam txhab ua hauj lwm lub computer thaum ua hauj lwm mus saib thiab mus luam daim ntawv teev them nqi tes.) Txoj kev cai tshiaj kom ntxiv cov xov tseem ceeb hauv qab no rau daim ntawv teev them nqi tes txhua zaus txog caij them:

- Npe ntawm tus neeg ua hauj lwm.
- Tag nrho cov sij hawm uas tus neeg ua hauj lwm ua txog thaum txog sij hawm them nqi tes.
- **Tus neeg ua hauj lwm nqi tes los yog nqi them thiab them nqi tes li cas, nrog rau saib tus neeg ua hauj lwm raug them los ntawm sij hawm, ntu dej num, hnuv, lim tiam, nyiaj hli, raws qhov ua tau, nyiaj paj tshab los yog lwm txoj kev them **(New)**.**

- **Tso cai siv rau kev noj mov thiab chaw so (New).**
- Tag nrho nqi tes them ua ntej them se rau tus neeg ua hauj lwm thaum txog sij hawm them.
- Tag nrho nqi tes tom qab rho txhua yam tag.
- Teev tag nrho cov kev rho los ntawm tus neeg ua hauj lwm cov nqi tes.
- Hnub kawg thaum them nqi tes.
- Tuam txhab ua hauj lwm lub npe hauv ntaub ntawv thiab lub npe ua dej num.
- **Tuam txhab ua hauj lwm tus xov tooj (New).**
- **Tuam txhab ua hauj lwm lub hoob kas qhov chaw nyob los yog chaw ua hauj lwm thiab chaw xa ntawv, yog sib txawv(New).**

Cov neeg ua hauj lwm yuav tsum ceev cov qauv ntawv teev them nqi tes thiab soj txhua hnub uas them nqi kom thwj raws li lawv txoj kev ua hauj lwm thiab tau txais kev them kom yog. Yeej pom zoo rau cov neeg ua hauj lwm ceev cov sij hawm lawv ua hauj lwm txhua hnub, cov nqi tes los yog them nqi tes npaum li cas ntawm cov sij hawm lawv ua hauj lwm thiab cov kev rho los ntawm lov cov nqi tes.

Qhia kom meej thiab cov yuav tsum tau ua txog kev them nqi tes thiab nqi paj tshab uas lub tuam txhab yuav tsum tau them thiab thaum twg cov tuam txhab yuav tsum them nqi tes thiab nqi paj tshab rau cov neeg ua hauj lwm (txhim kho tsab cai Minn. Stat. § 181.101)

Cov tuam txhab ua hauj lwm yuav tsum them txhua cov nqi tes, **nrog rau nyiaj hli, nyiaj khwv tau thiab nyiaj paj tshab (New)** uas tus neeg ua hauj lwm tsim tau tsawg kawg mas ib zaug ntawm txhua 31 hnub twg thiab txhua cov nyiaj paj tshab khwv tau los ntawm tus neeg ua hauj lwm tsawg kawg mas ib zaug ntawm peb lub hlis twg (New) thaum txog sij hawm them nqi tes.

Txoj kev cai tshiab Cai Nyiaj Nyiaj Nqi Tes kuj piav kom meej hais tias Minn. Stat. § 181.101 **muab kev cai txog kev them nqi paj tshab thiab nqi tes, raws li tus neeg ua hauj lwm qhov nqi los yog nqi tes los yog qhov nqi los yog cov nqi tes kom ua raws li txoj cai, saib qhov nqi twg ntau tshaj, nrog rau txoj cai tau txais kev them nqi tes thiab cov nqi paj tshab uas khwv tau thaum txog sij hawm them nqi tes (New).**

New: Cov tuam txhab ua hauj lwm yuav tsum tsis txhob pauj kev ntsim siab nrog rau cov neeg ua hauj lwm yog lawv siv cov kev cai los yog cov kev siv raws li Minnesota txoj cai txog nqi tes thiab cov sij hawm (txhim kho tsab cai Minn. Stat. § 181.03)

Lub tuam txhab ua hauj lwm raug txwv tsis pub pauj kev ntsim siab nrog rau tus neeg ua hauj lwm yog lawv siv cov kev cai los yog cov kev siv raws li tsab cai Minnesota Fair Labor Standards Act, tsab cai Minnesota Prevailing Wage Act thiab lwm cov kev tswj txoj cai Minn. Stat., Chapter 181, Payment of Wages Act, nrog rau xa daim ntawv tsis txaus siab nrog rau DLI los yog qhia lub tuam txhab ua hauj lwm txog tus neeg ua hauj lwm lub hom phiaj los sau daim ntawv tsis txaus siab. Txuas ntxiv rau lwm txoj kev siv raws li txoj kev cai, lub tuam txhab ua hauj lwm uas yuam txoj kev cai no yuav raug nplua nyiaj li ntawm \$700 txog \$3,000 rau ib txoj kev yuam cai.

New: Tus tuam thawj tswj yuam kom nthuav cov xov tseem ceeb txog cov kev ua kom raws txoj cai (txhim kho tsab cai Minn. Stat. § 177.27)

DLI, yog tus tuam thawj tswj los yog tus neeg tau kev tso cai los sawv cev yuav tsum muab daim qauv ntawm daim ntawv kom ua raws li txoj cai rau lub tuam txhab ua hauj lwm thiab kev txiav txim ntawm daib ntawv kom ua los yog cov ntawv teev nyob rau daim ntawv kom ua raws nraim li thiab kev txiav txim rau cov tuam txhab hauv qab no:

- Cov koos haum hauv nom tswv hauv lub xeev uas muaj ntawv tso cai los yog muaj cai tswj los tshawb fawb lub tuam txhab ua hauj lwm.
- Daim ntawv cog lus qhib rau txhua tus uas lub tuam txhab ua hauj lwm yog ib feem ntawm daim ntawv cog lus qhib rau txhua tus.
- Cov neeg ua hauj lwm uas muaj feem cuam los ntawm daim ntawv kom ua raws li hais.

Kev yuam cai hu ua Misdemeanor (txhim kho tsab cai Minn. Stat. § 177.32)

Raws li txoj kev cai tam sim no, lub tuam txhab ua hauj lwm uas laug los yog ncuu txoj dej num uas tuam thawj kom ua kom ncaj raws li tsab cai Minnesota Fair Labor Standards Act los yog tsab cai Prevailing Wage Act yuav txhaum lub txim hu ua misdemeanor. **Txoj cai tshiab txog Kev Nyiag Nyiaj Nqi Tes ntxiv hais tias yog ib lub tuam txhab ua hauj lwm laug los yog ncuu txoj dej num uas tuam thawj kom ua kom ncaj raws li tsab cai Minn. Stat. §§ 181.01 txog 181.723 los yog 181.79 kuj yuav txhaum lub txim loj hu ua misdemeanor (New).**

New: Kev yuam cai “nyiag nqi tes” thiab kev nplua yog ua kev txhaum cai yam “nyiag nqi tes” (txhim kho tsab cai Minn. Stat. § 609.52)

Kev yuam cai thaum “nyiag nqi tes” tshwm sim thaum lub tuam txhab ua hauj lwm, txhob txwm dag:

- Tsis them yus neeg ua hauj lwm txhua yam nqi tes, nyiaj hli, nyiaj paj tshab, nyiaj los yog pab tshaj uas khwv tau raws li tus neeg ua hauj lwm txoj qhov nqi tes los yog nqi them raws li txoj cai, saib qhov twg ntau dua.
- Hais ncaj qha los yog kom lwm tus hais ua rau tus neeg ua hauj lwm muaj cov ntawv pov thawj txog nqi tes ntau tshaj li qhov uas them nqi tes rau tus neeg ua hauj lwm txoj dej num uas nws tau ua.
- Hais ncaj qha los yog kom lwm tus hais kom los yog tau txais tus neeg ua hauj lwm cov nyiaj thim los ntawm cov nqi tes tiv rau tus neeg ua hauj lwm raws li daim ntawv cog lus ua hauj lwm rau lub tuam txhab ua hauj lwm.
- Ua los yog sim ua kom pom tau hais tias cov nqi tes them rau tus nee ua hauj lwm ntau dua li qhov nqi them rau tus neeg ua hauj lwm tiag.

“Tuam txhab ua hauj lwm” txhais tau hais tias “tus tib neeg, kev koom tes, kev muaj feem, ua lag luam, kev ceev nyiaj lag luam, los yog tub tib neeg los yog pawg tib neeg los sawv cev kiag los yog nyob lwm qhov chaw los sawv cev rau lub tuam txhab ua hauj lwm txoj kev muaj feem zoo rau tus neeg ua hauj lwm.”

“Tus neeg ua hauj lwm” txhais tau hais tias “tus tib neeg ua hauj lwm rau lub tuam txhab ua hauj lwm.”

“Nyiag nyiaj nqi tes” tau muab ntxiv rau txoj kev txhais tias kev yuam cai raws li Minn. Stat. § 609.52, subd. 2(19), thiab cov kev nplua yog tau ua txhaum txoj kev nyiaj nyiaj nqi tes yog cov hauv qab no:

- Kaw tsis tshaj li ntawm 20 xyoo, nplua nyiaj tsis tshaj li ntawm \$100,000 los yog ob qho tib si yog cov nyiaj nqi tes raug nyiaj ntau tshaj li ntawm \$35,000.
- Kaw tsis tshaj li ntawm 10 xyoo, nplua nyiaj tsis tshaj li ntawm \$20,000 los yog ob qho tib si yog cov nyiaj nqi tes raug nyiaj ntau tshaj li ntawm \$5,000.
- Kaw tsis tshaj li ntawm tsib xyoo, nplua nyiaj tsis tshaj li ntawm \$10,000 los yog ob qho tib si yog cov nyiaj nqi tes raug nyiaj ntau tshaj li ntawm \$1,000 tab sis tsawg dua li ntawm \$500.
- Kaw tsis tshaj li ntawm ib xyoos, nplua nyiaj tsis tshaj li ntawm \$3,000 los yog ob qho tib si yog cov nyiaj nqi tes raug nyiaj ntau tshaj li ntawm \$500 tab sis ntau tshaj li ntawm \$1,000.

Thaum los txiav txim saib nyiaj nyiaj nqi tes ntau npaum li cas, txoj cai tso cai yuav tus neeg ua hauj lwm cov nyiaj them nqi tem sib ntxiv saib muaj li cas ntawm rau-lub hlis.

Cov neeg ua hauj lwm yuav ua tau li cas yog hais tias lawv tsis tau txais kev them nqi tes kom raws sij hawm ntawm txoj cai kom them

Mus cuag DLI

Yog hais tias koj muaj lus nug txog txoj cai tshiab txog Nyiag Nyiaj Nqi Tes los yog koj ntseeg tau hais tias koj lub tuam txhab ua hauj lwm tau yuam ib nqe lus ntawm tsab cai Minnesota Fair Labor Standards Act, the Minnesota Prevailing Wage Act los yog cov lus ntawm Minnesota Payment of Wages Act, los yog pauj kev ntsim siab rau koj vim koj siv koj cov kev cai raws li cov kev cai no, hu rau Minnesota Department of Labor thiab Industry's Labor Standards ntawm 651-284-5075. Cov neeg uas hu tau rau lub tuam tsev kom paub tshaj los yog sau daim ntawv tsis txaus siab lub tuam tsev yuav ceev yam txwv tsis pub leej twg paub.

- Yog hais tias koj lub tuam txhab ua hauj lwm tsis them koj cov nqi tes thiab/los yog tsis them kom raws sij hawm, tus tuam thawj kuj yuav yuam kom lawv them cov nqi tes uas koj khwv tau raws li qhov nqi los yog nqi tes lawv them rau koj thiab koj lub tuam txhab ua hauj lwm pom zoo los them qhov nqi los yog nqi tes raws li txoj cai los yog ntawv cog tseg, saib qhov twg ntau dua.
- Txuas ntxiv, tus tuam thawj koj yuav kom lub tuam txhab ua hauj lwm them tus nqi kom sib npaug li cov nqi tes uas koj khwv tau yam muaj kev puas tsuaj thiab/los yog them nqi nplua sib npaug rau koj txoj kev muaj tsab peev xwm khwv tau ntawm ib hnuv twg kom phim li koj qhov nqi lo yog nqi tes los yog them nqi nplua kom sib npaug rau 1/15th ntawm cov nqi paj tshab uas khwv tau tab sis tsis them nqi tes rau txhua hnuv yam tsis ua raws li tus tuam thawj cov lus kom ua.

Ua ntawv foob hauv tsev hais plaub

- Tsev hais plaub rau cov nqi tsawg yog cov nqi muaj li ntawm \$15,000 los yog tsawg dua (tsis tas muaj kws lij choj).
- Tsev hais plaub hauv zos (District court) yog cov nqi sib cav tsis sib haum muaj tshaj li ntawm \$15,000.